

**Leeter masa Pawl ma
wuzlalatar a
Galat hay
Mey da ray leeter ngada
Galat hay**

Leeter e keɗe na, ara Pawl ma wuzlalatar a ngada ndəhay daa meɗemey-ray nga Yesu daa hwayak nga Galati fa dɛba masawa anɗa fa ata (SNM 16.6; 18.23). Daa leeter keɗe na, Pawl a ləvey: «Cek mahura na, ara mepey Yesu Kəriste nga ndaw fara fara ta mewudey ndəhay mekele.» (5.6)

Da wuzlah ndəhay nga Yesu da Galati na, Jəwif hay daha, Jəwif hay ba hay daha may. Jəwif hay siya a ləvam si ndəhay Jəwif hay ba hay a tɛbmara mewey hay tabiya nga Jəwif hay, si a slam mandawal anda Jəwif hay amba a tɛram ndəhay nga Yesu. Pawl a ləvey, mey ata ha nɗene, ara mey nga Gazlavay ba, maja ndaw a gwa nga tɛrey ndaw maaya fa mey nga Gazlavay ta fa cek masa anɗa ma ka ba, ama si ta fa mepey Yesu nga ndaw fara fara gway. (2.15-21)

Daa fasəlawal 5 haa 6, Pawl a ləvey si ndəhay nga Yesu a njam maaya maaya, a jənam vaw da wuzlah ata maja mewudey-vaw nga Kəriste. Gazlavay ta vəlndakwar Mesəfney anɗa la nga jəndakwar nga njeɗ maaya kəne may.

Daa leeter e keɗe na, mey mekele mekele daha nga vɔley gɔdanɗ a ndəhay:

Kwakwas nga Mawiz a gwa nga tərda ndaw maaya fa mey nga Gazlavay ba, ama ara Yesu ma tərda ndaw maaya fa mey nga Gazlavay (3.10-14)

Mey da ray cek hay maaya ma sawa ta fa Mesəfney nga Gazlavay (5.22-23)

Mecey-har

¹ Ara yah, Pawl, ma wuzlalakwara leeter kede. Yah *ndaw-meslōrey nga *Yesu *Kəriste. Ara ndaw ma walaya nga key ndaw-meslōrey a ba, asaya, ara ndəhay ma slərdamiwa ba. Ma pamaya nga ndaw-meslōrey na, ara Yesu Kəriste he ta ray anga leŋ *Gazlavay Papaŋ ma sləkfadərwa Yesu a daa meməcey.

² Ala macəmtakaya ta məlma aləkwa hay siya fede, ya camakwar har, akwar ndəhay daa mecəmey-ray hay nga Yesu daa hwayak nga Galati.

³ Anja Papa aləkwa, Bay Gazlavay, ta Bay aləkwa Mahura Yesu Kəriste nga pəsmakwar mey, asaya, nga njadamakwar daa zazay.

⁴ Kəriste ta vəlda ray anga la maja mebərey aləkwa, amba a ləhdandakwar da bəla masa maaya ba kede. Kəriste he ma ka anda kede na, a key a nar ray a mey masa Gazlavay Papa aləkwa ma wudey. ⁵ Anja ndəhay nga həlmamara Gazlavay nga sərmataw. *Amen.

Mey da ray Mey-maaya-mawiya

1:1 1.1 1.11-12; Rm 1.5; 1Kwr 9.1-2 **1:2** 1.2 1Kwr 16.1 **1:4**
1.4 2.20; Mt 20.28; Jan 1.29; 2Kwr 5.21; Ef 5.2; 1Tm 2.6; Tit 2.14;
Heb 9.12-14, 26; 1Jn 5.19

⁶ Gazlavay ma zəlkwār amba ka səpmara na, menjey a ga daa ba. A zəlkwār na, maja aa ma sərey dey-ceceh fa akwar ta fa mewudəy-vaw ŋga *Kəriste. Wure keɗe, akwar fa mbəkdamara Gazlavay a, akwar fa təbam *Mey-maaya-mawiya mekele. Ya fa rəzley ga da ray akwar maja. ⁷ Fara fara Mey-maaya-mawiya mekele na, daa ba. Ama ndəhay mekele daha fa həbmakwar ray. A wudam ŋga nəsmara Mey-maaya-mawiya ŋga Kəriste. ⁸ Ala ta wuzdamakwara Mey-maaya-mawiya ha la. Anda keɗe, da ndaw mekele, kwa ala, kwa maslan ŋga Gazlavay da vad, a wuzkwār Mey-maaya-mawiya mekele wal na, anja Gazlavay ŋga nəsa.

⁹ Ala ta kadamakwara la, ama ya kadakwara wure keɗe saya. Da ndaw a wuzkwār Mey-maaya-mawiya mekele wal ta masa akwar ma təbmara keɗe na, anja Gazlavay ŋga nəsa ndaw aha.

¹⁰ Yaw, wure keɗe ka wulkam na, ya fa səpey amba ndəhay aa həmdamaya daw? Kay, kəne ba! Ya səpey na, amba Gazlavay aa həmdaya. Asaya, ka wulkam ya fa səpey amba ya mbafatar a ndəhay daw? Kay, kəne ba, maja da ya fa səpey amba ya mbafatar a ndəhay cəŋga na, anja ŋgene, ya fa da key ndaw ma ka sləra ŋga Kəriste daa ba.

Pawl a tərey ndaw-meslərey ŋga Yesu na, kwara?

¹¹ Mølma adaw hay, ya wudey ka sərmarā *Mey-maaya-mawiya masa yah ma wuzdakwara na, ara mewulkey nga ndəhay ba. ¹² Mey a na, ara ndaw ma kadiwa ba, ara ndaw maa sərkađiwa ba, ama ara Yesu *Kəriste ma wuzđiwa mey a.

¹³ Akwar ta cəndamara mey da ray menjey adaw zleezle la, daa masa ya fa səpey kwakwas nga *Jəwif hay. Daa ŋgene, ya ta sərdata banay la ga kalah ta ndəhay daa mecəmey-ray hay nga Yesu. Ya ta wudey la ŋгаа zəđdata cəpa. ¹⁴ Ya ta nar ray la a kwakwas nga Jəwif hay ma fənta Jəwif hay mekele masa mandala adaw hay. Ya ta vəlda mevel adaw la cəpa a kwakwas nga papan ŋga papa ala hay zleezle.

¹⁵ Ama Gazlavay ta sərƧaya dey-ceceh la, ta walaya sem dəga ya ta yawa daa ba arañ, ta zəlya la amba ya tərey ndaw ma ka sləra aŋga maja a mbafar. ¹⁶ Gazlavay ta wuryawa dey la, ta wuzđiwa Bəzey aŋga la amba ya wuzdatara Mey-maaya-mawiya da ray a, a ndəhay masa Jəwif hay ba hay. Daa ŋgene, kwa ya taa cəđdey ndaw nga slaya yawa daa ba. ¹⁷ Asaya, ya ta daw a *Jeruzelem nga jəkey sləmay fa ndəhay meslərey nga Yesu masa ŋgeeme daa ba may. Ama wure wure ŋgene, ya ta daw la aa hwayak nga Arap hay. Fa dəba ha, ta', ya vəhwa aa berney nga Damas.

¹⁸ Fa dəba ha, mevey maakar na, ya ta daw la aa berney nga Jeruzelem amba ya camawa

1:11 1.11-12 1.1 **1:13** 1.13-14 SNM 8.3; 9.1; Fəl 3.5-6; 1Kwr 15.9 **1:15** 1.15-16 Jer 1.5; SNM 9.3-5; 22.21; Rm 1.5; 1Kwr 9.1; 15.10

ray ta *Piyer, ya sərmawa vaw. Ya njamawa cew e luma cew gway. ¹⁹ Fetede, ya ta hətəy *ndaw-meslərey mekele daa ba, si *Jak, məlman nga Bay aləkwa Mahura gway. ²⁰ Mey masa yah ma wuzlalakwara keđe na, ara mey fara fara. Gazlavay a səra a key ya mbərzley ba. ²¹ Fa dəba ha, ta', ya daw aa hwayak nga Siri ta nga Silisi. ²² Maja ngene, ndəhay daa mecəmey-ray hay nga ndəhay nga Kəriste daa hwayak nga *Jude ta hətmaya ta dey ata daa ba. ²³ Ama ata fa cənam mey masa ndəhay mekele maa guzlam da ray adaw ma ləvam: «Ndaw ma sərdandakwar banay zleezle heyey na, wure keđe fa wuzda Mey-maaya-mawiya masa aa ma wudəy nga nəsa heyey.» ²⁴ Ta', ndəhay a, a həlmamara Gazlavay maja yah.

2

Ndəhay meslərey nga Yesu a təbmara Pawl

¹ Fa dəba ha, mevey kuraw a ray a məfad, ta', ya diyam ta *Barnabas a *Jeruzelem saya. Ya ta nğəla Tit la may. ² Yah ma daw a Jeruzelem e na, maja Gazlavay ma ləvya, maaya na, ya daw. Fetede, ala ta gucam la ta cakay ta *bay-ray hay nga ndəhay ma təba mey nga Yesu. Ya ta kadatara mey da ray *Mey-maaya-mawiya masa yah ma wuzdatara a ndəhay masa *Jəwif hay ba la, maja ya wudəy sləra adaw masa yah ma ka ta masa ya fa ka wure keđe a tərey nga cek

1:18 1.18 SNM 9.26-28 **1:19** 1.19 Mt 13.55 **1:21** 1.21 SNM 9.30 **2:1** 2.1-2 1Kwr 15.2; Fəl 2.16; Barnabas: SNM 4.36; Tit: 2Kwr 2.13 **2:1** 2.1-10 SNM 15.1-19

nga tede ba. ³ Tit masa ma lөгdaya na, ara ndaw Gөrek. Ama kwa ta tөkmar dфay nga sley mandawal anda Jөwif hay na, daa ba. ⁴ Ama ndөhay ma tөbmara mey nga Yesu fara fara ba ta samawa la a wuzlah ala, a wudфam nga tөkmar dфay a Tit e nga sley mandawal. Ndөhay a, a samawa a wuzlah ala na, ta mayal a, amba a sangalamandar da ala fa wam ray ala maja ala macөmkaya ta Yesu *Kөriste kwa. A wudфam nga tөrdamandar beke hay nga kwakwas nga Jөwif hay cөngа. ⁵ Ala ta tөbmatara mey ata kwa nga menjey nekөdөfey daa ba sөlak. Mey-maaya-mawiya masa fara fara kedө na, ya wudфam a nөsmara ba, amba a njey nga mey masa fara fara ngada akwar.

⁶ Daa masa ya fa kadatara mey da ray Mey-maaya-mawiya masa yah ma wuzdatara a ndөhay na, bay-ray hay heyey masa ata ma zөlmata mahura hay ta pam mey mekele a ray Mey-maaya-mawiya ha daa ba. Yaw, da ata mahura hay, da ata mahura hay ba, ngada yah na, ara cek nga tede, maja fa mey nga Gazlavay na, ndөhay tabiya ata letek. ⁷ Ama sasөkar jak, a sөrmara Gazlavay ta vөlya slөra la nga wuzey Mey-maaya-mawiya anda aa ma vөldara ngada *Piyer. Ngada yah na, a lөvya nga wuzey Mey-maaya-mawiya a ndөhay masa Jөwif hay ba hay, ngada Piyer may, a lөvar nga wuzey Mey-maaya-mawiya a ndөhay Jөwif hay. ⁸ Yaw, ara Gazlavay ma vөlar gөdan a Piyer nga tөrey

2:2 2.2 2.6, 9 **2:4** 2.4 1.7; 5.1, 13; SNM 15.1, 24; 1Kwr 9.21

2:6 2.6 Rm 2.11 **2:7** 2.7 1.15-16; Rm 1.5

*ndaw-meslōrey nga Yesu ngada fa Jōwif hay. Ara Gazlavay a ma vōlya gōdan nga tōrey ndaw-meslōrey nga Yesu ngada fa ndōhay Jōwif hay ba hay may. ⁹ Ata *Jak ta Piyer len *Jan masa ndōhay ma tōba mey nga Yesu ma zōlmata bay-ray ata hay na, a sōmara Gazlavay ta vōldiwa slōra kedē la fara fara nga key maja maaya anga. Maja ngene, a gagazamandar har ngada ala ta Barnabas, anda melōvey, mey ala ta ata letek. Ala ta wulkam la daa slam a ta ata amba ala ta Barnabas ya diyam nga wuzdamatara Mey-maaya-mawiya a ndōhay masa Jōwif hay ba hay. Ata may, a diyam a wuzdamatara ngada ndōhay Jōwif hay. ¹⁰ Aa cōfdamandar na, cek pal gway. Ara nga jōney masa-viya hay daa *mecōmey-ray nga ndōhay nga Yesu da Jeruzelem. Ara cek masa yah ma ka ta mevel adaw cōpa.

Mey da ray ata Piyer ta Pawl daa berney nga Antiyaws

¹¹ Fa dōba ha, *Piyer a sawa aa berney nga Antiyaws daa hwayak nga Siri. Ya ta mbōdar ray la maja aa ma key cek maaya ba. ¹² Yaw, daa masa Piyer ma wuswa a Antiyaws na, aa fa zōmey daf ta ndōhay masa *Jōwif hay ba hay. Ama fa dōba ha, ndōhay Jōwif hay masa da cakay *Jak ma wusmawa na, Piyer a mbōkda mezōmey daf ta ndōhay Jōwif hay ba ha, a ngōchey ta cakay. A ka anda kedē na, maja a zlurey ta Jōwif hay ma lōvam si ndōhay masa Jōwif hay ba tabiya a slam mandawal. ¹³ Anda kedē, Piyer na, ara ndaw masa ta neneh cew. Ndōhay

Jøwif hay mekele ma tēba mey nga Yesu ta tēram ndəhay masa ta neneh cew la anda Piyer e may. Kwa *Barnabas ta ray anga ta tērey ndaw masa ta neneh cew sem anda ata may. ¹⁴ Daa masa yah ma hətatar ata fa nəsmara *Mey-maaya-mawiya masa fara fara daa menjey ata ηgene na, ta', yaa guzlar ηgada Piyer fa mey nga ndəhay tabiya: «Kah ndaw Jøwif, ama ka ta səpa kwakwas nga ndəhay Jøwif hay na, daa ba. Ka ta key cek la anda ndəhay masa Jøwif hay ba ma kamara. Anda keđe, ka ləvtar a ndəhay masa Jøwif hay ba nga səpey kwakwas nga Jøwif hay na, maja me?»

Ndaw a tērey maaya fa mey nga Gazlavay na, kwara?

¹⁵ Ala na, *Jøwif hay fara fara ma yey ta yey. Ala na, wal ta ndəhay daa səkway hay mekele. Ndəhay a na, fa səpmara *kwakwas nga Mawiz daa ba, ata ndəhay ta mebərey. ¹⁶ Ama ya sərmara ndaw aa maaya fa mey nga Gazlavay maja aa fa səpa kwakwas nga Mawiz na, kəne ba, si aa fa pa Yesu nga ndaw anga fara fara. Ala may, ya ta pamara Yesu *Kəriste he la nga ndaw ala fara fara amba ya tēram ndəhay maaya fa mey nga Gazlavay. Ala maaya fa mey nga Gazlavay na, maja ala fa səpmara kwakwas nga Mawiz daa ba, ama maja ala fa təbmara mey nga Kəriste. Mesəpey kwakwas nga Mawiz na, a tərda ndaw maaya fa mey nga Gazlavay ba səlak.

17 Ala Jøwif hay ma tæbmara mey nga Yesu na, ala fa pamara Køriste nga ndaw ala fara fara amba ya tæram ndøhay maaya fa mey nga Gazlavay. Daa masa ala fa pamara Køriste nga ndaw ala fara fara na, a padamandar nga ndøhay ta mebørey maja ala fa søpmara kwakwas nga Mawiz daa saba. Da anda keðe na, Køriste fa mbøzdandar aa mebørey daw? Kay, køne ba sөлak. 18 Da ndaw a mbækda meny ray a kwakwas nga Mawiz maja a søra fa da jøna daa ba, ama fa døba ha, a vøhwa nga nar ray cønga na, anda keðe, ndaw aha ta key mebørey sem. 19 Daa mesøpey kwakwas nga Mawiz na, ya ta tørey la anda ndaw mamæckaya. Anda meløvey, kwakwas nga Mawiz na, ara cek nga tede ngada yah. Ara kwakwas a ma tørdaya anda ndaw mamæckaya amba ya njey ta dey nga kar sløra ngada Gazlavay. Daa masa ata ma dørmara Køriste fa hwadam mazlangalakaya nga møcey na, ara anda a døram na, yah, nga møcey may. 20 Anda meløvey, menjey adaw masa anda zleezle na, daa saba, ama wure keðe Køriste aa ta yah. Maja ngene, cek hay tabiya masa yah ma kata daa masa yah ta dey da bøla keðe na, ya kata ta meny ray a Bøzey nga Gazlavay. A wudya kalah, a vølda heter anga nga møcey maja yah. 21 Gazlavay a pandakwar nga ndøhay maaya fa mey anga na, ara maja alækwa fa søpkwa kwakwas nga Mawiz ba, ama ara maja dey-ceceh anga gway. Ya fa da røsa

maaya nga Gazlavay a keŋe daa ba. Da ndaw a gwa nga terey maaya fa mey nga Gazlavay maja aa fa sɛpa kwakwas nga Mawiz na, anja ngene na, memɔcey nga Kɛriste ara cek nga tede.

3

Gazlavay a da lɛhda ndaw na, kwara?

¹ Akwar Galat hay na, manjar lengeŋ. Ta wuzdamakwara mey da ray memɔcey nga Yesu *Kɛriste fa hwadam mazlaŋgalakaya la maaya maaya fa mey akwar tabiya, ba diya? Kaa ma batakwara na, wa? ² Ya wudey ngaa cɛfdakwar mey pal. Gazlavay ta vɛlkwar Mesɛfney aŋga la. A vɛldakwara na, maja akwar ma sɛpmara *kwakwas nga Mawiz daw? Kay, kɛne ba. Aa ma vɛldakwara na, maja akwar ma jɛkam slɛmay fa *Mey-maaya-mawiya, asaya, maja akwar ma tɛbmara mey a, aa mevel akwar.

³ Daa masa akwar ma zlamar nga sɛpey cɛved nga Yesu, ka sɛpmara na, ta gɛdaŋ nga *Mesɛfney nga Gazlavay, ba diya? Kaa wure keŋe, ka mbɛkdamara Mesɛfney nga Gazlavay a, ka kam slɛra ta gɛdaŋ akwar daada na, maja me? Akwar ndɛhay manjar lengeŋ anda keŋe na, kwara? ⁴ Akwar ta sɛram banay la ga amba ka tɛbmara mey nga Yesu. Mesɛrey banay akwar a ngene na, ara cek nga tede daw? Anja nga terey nga cek nga tede ba. ⁵ Yaw, Gazlavay a vɛlkwar Mesɛfney aŋga na, maja akwar ma sɛpmara kwakwas nga Mawiz daw? Kay, kɛne

ba. Gazlavay a key maazla hay da wuzlah akwar na, maja akwar ma sɔpmara kwakwas nga Mawiz daw? Kay, kɔne ba. Ama Gazlavay a vɛlkwar Mesɔfney anɔa, a key maazla hay da wuzlah akwar na, maja akwar ma jɔkam slɔmay fa Mey-maaya-mawiya ta akwar ma tɔbmara mey a, aa mevel akwar.

⁶ Wulkam da ray *Abɔraham taw, mawuzlalakaya daa dɛrewel nga Gazlavay, a lɔvey: «Abɔraham a pa Gazlavay nga ndaw anɔa fara fara. Ara maja nɔgene, Gazlavay ma pa nga ndaw maaya.» ⁷ Anda keɛe na, sɔrmara, ndɔhay ma pamara Gazlavay nga ndaw ata fara fara na, ara bɔza hay nga Abɔraham fara fara.

⁸ Mawuzlalakaya daa dɛrewel nga Gazlavay zleezle da ray cek ma da key, a lɔvey Gazlavay a tɔrdata ndɔhay masa *Jɔwif hay ba nga ndɔhay maaya fa mey anɔa. A ka anda keɛe na, maja ata ma pamara Gazlavay a nga ndaw ata fara fara. Mey maaya keɛe na, Gazlavay taa guzldara la dɔga zleezle a Abɔraham, a lɔvar: «Ndɔhay daa sɔkway hay tabiya a hɔtam mepɔsey-mey adaw la ta fa kah.» ⁹ Abɔraham ta pa Gazlavay la nga ndaw anɔa fara fara, maja nɔgene, Gazlavay ta pɔsar mey la. Yaw, ndɔhay tabiya masa ma pamara Gazlavay nga ndaw ata fara fara na, Gazlavay ta pɔstar mey la may anda Abɔraham a.

¹⁰ Ndɔhay tabiya ma wulkam ata maaya fa mey nga Gazlavay maja ata fa sɔpmara kwakwas nga Mawiz na, Gazlavay a nɔsta la. Ara anda

3:6 3.6 MC 15.6; Rm 4.3
12.3 **3:9** 3.9 Rm 4.16

3:7 3.7 Rm 4.11-12

3:8 3.8 MC

mawuzlalakaya daa d̄erewel nga Gazlavay ma l̄ovey: «Kwa waawa ma s̄opa kwakwas nga Mawiz tabiya masa mawuzlalakaya daa d̄erewel nga Gazlavay mandaw mandaw ba na, Gazlavay a n̄osa la.» ¹¹ Fara fara, ndaw fa da t̄orey maaya fa mey nga Gazlavay maja an̄ga fa s̄opa kwakwas nga Mawiz na, daa ba. Yaa guzley anda ke d̄e na, maja mey nga Gazlavay a l̄ovey: «Ndaw masa maaya fa mey nga Gazlavay na, ara ndaw ma pa Gazlavay nga ndaw an̄ga fara fara. Anda ke d̄e, a h̄otey heter mend̄ovey ba la.» ¹² Ama mawuzlalakaya saya daa d̄erewel nga Gazlavay, a l̄ovey: «Kwa waawa ma s̄opa kwakwas nga Mawiz mandaw mandaw, ma r̄osa ba s̄olak na, a h̄otey heter la.» Mey a, a wud̄ey nga l̄ovey, mes̄opey kwakwas nga Mawiz na, ara cek wal ta mepey Gazlavay nga ndaw fara fara.

¹³ Yaw, Gazlavay ta n̄sndakwar sem maja al̄ekwa fa s̄epkwa kwakwas nga Mawiz ta c̄oved e daa ba. Ama K̄riste ta sawa la a b̄ela, ta la men̄osey al̄ekwa sem a ray an̄ga amba a l̄hdandakwar daa men̄osey a. Ara anda mawuzlalakaya daa d̄erewel nga Gazlavay, ma l̄ovey: «Ndaw masa ata ma l̄owmara fa hwadam * na, Gazlavay ta n̄osa sem.» ¹⁴ Yesu K̄riste a ka cek aha anda ke d̄e na, amba Gazlavay a p̄estar mey a

3:10 3.10 Mew 27.26; Jak 2.10 **3:11** 3.11 Hab 2.4; Rm 1.17;

3.20 **3:12** 3.12 Lev 18.5; Rm 10.5 * **3:13** 3.13 ma l̄owmara fa hwadam: Mawuzlalakaya daa Mew 21.22-23, a l̄ovey, da masa a k̄od̄am ndaw vagay maja aa ma key cek maaya ba na, a l̄owmara vagay a fa hwadam nga par hwaray. Pawl a wud̄ey nga l̄ovey na, mem̄oey nga Yesu fa hwadam mazlangalakaya na, aa k̄one.

3:13 3.13 Mew 21.23; Rm 8.3; 2Kwr 5.21

ndəhay masa Jəwif hay ba, letek anda Gazlavay ma pəsar mey a Abərahām heyey. Asaya, kwa waawa ma pa Kəriste ŋga ndaw anġa fara fara na, a hətey Mesəfney ŋga Gazlavay la masa aa ma ləvey zleezle a da vəldatara a ndəhay anġa hay heyey.

Kwakwas ŋga Mawiz na, a gwa ŋgaa vəsa mey masa Gazlavay ma jəwa daw?

¹⁵ Məlma adaw hay, ya wudfey ya wakwara mey masa Gazlavay ma jəwa ta cek ma key mandaw mandaw daa menjey aləkwa. Yaw, da ndəhay cew, a jəwam mey ta cəved e fa mey ŋga ndəhay na, kwa ndaw a gwa ŋgaa vəsa mey a ba, kwa ndaw a gwa ŋga pey a dey a ba.

¹⁶ Fara fara, Gazlavay ta ləvar la a *Abərahām a da pəsar mey ŋgada anġa ta ŋgada bəzey ma da yawa da hwaɸ anġa. Mawuzlalakaya daa ɸerewel ŋga Gazlavay, ta ləvey ŋgada bəza hay ma da yamawa da hwaɸ anġa cəpa na, daa ba. Anda meləvey, ndəhay ga ba. Ama aa guzley na, da ray bəzey da hwaɸ anġa pal letek gway, anda meləvey *Kəriste. ¹⁷ Ehe, mabara ŋga mey masa yah ma wudfey ŋgaa guzldakwara ha: Gazlavay ta jəwey mey la ta Abərahām, asaya, ta ka la amba mey ata majəwkaya ha a pəskey ba. Fa dəɸa ha, mevey temere məfaɸ ta kwakwar maakar na, Gazlavay a wuztar *mewey anġa a *Jəwif hay amba a səpmara. Mewey a, fa da pəska *mejəwey-mey ŋga ata Gazlavay ta Abərahām daa ba, fa da nəsa mejəwey-mey a

daa ba may. ¹⁸ Yaw, da Gazlavay a pøskwar mey la maja akwar ma sèpmara *kwakwas nga Mawiz na, anja ngene ara mepøsey-mey masa anja meløvey heyey saba. Ama a da pøskwar mey na, maja anja ma løvey a pøskwar mey la. Anda keðe, Gazlavay a kar maaya a Abøraham † na, maja aa ma løvey a kara la.

¹⁹ Da anda keðe na, Gazlavay a wuzdatara mewey a, a Jøwif hay na, maja me? Gazlavay a wuzdatara mewey a na, amba ndøhay a sèrmara cek maaya ba masa ata ma kamara. Gazlavay a wuzdatara mewey a na, nga njeý nekøðey haa kasl masawa nga bøzey da hwad Abøraham heyey. Ara bøzey masa Gazlavay ma løvar a Abøraham a da pøsar mey heyey. Gazlavay ta wuzdørwa kwakwas a la ta fa maslan anja hay da vad. Maslan anja hay a ta wuzdamørwa la ta fa ndaw ma cømtar ðay a ndøhay ta Gazlavay ‡.

²⁰ Ndaw ma cøma ðay na, a ðiyey mey da wuzlah ndøhay cew. Ama daa masa Gazlavay ma jøwey mey ta Abøraham na, ara anja pal taava anja ma ka gway, ndaw ma cømtar ðay na, daa ba.

Kwakwas nga Mawiz a jønta ndøhay na, kwara?

²¹ *Kwakwas nga Mawiz na, aa guzley wal ta mey daa *mejøwey-mey nga Gazlavay daw? Kay,

3:17 3.17 Mab 12.40 † **3:18** 3.18 Gazlavay a kar maaya a Abøraham: Nøka Galat hay 3.14ta SNM 2.17, Gazlavay a løvey: «Ya vøltar Mesøfney adaw la a ndøhay tabiya.» **3:18** 3.18 Rm 4.14; 11.6 ‡ **3:19** 3.19 Ndaw ma cømtar ðay a ndøhay ta Gazlavay feðe na, ara Mawiz. **3:19** 3.19 Rm 4.15; maslan nga Gazlavay da vad: SNM 7.38, 53; Heb 2.2 **3:20** 3.20 Mew 6.4

køne ba! Da fara fara kwakwas nga Mawiz a vøltar heter mawiya a ndøhay na, anja Gazlavay a pata ndøhay nga ndøhay maaya fa mey anja la ta fa kwakwas a may. ²² Ama mawuzlalakaya daa ðerewel nga Gazlavay na, ndøhay tabiya da bøla, mebørey fa wey da ray ata. Ara anda kede amba Gazlavay a vøldatara cek masa aa ma løyey a da vøldatara a ndøhay ma tømara mey nga Yesu *Køriste. A vøldatara na, maja ata fa pamara Yesu nga ndaw ata fara fara.

²³ Zleezle daa masa ala ndøhay *Jøwif hay ma tømara mey nga Køriste daa ba arañ na, kwakwas nga Mawiz ta jøðndar la anda ndøhay daa førsøne haa kasl Gazlavay ma wuzdandara cøved nga tøbey mey nga Køriste. ²⁴ Ara anda kede, kwakwas nga Mawiz ma jøðndar haa kasl masawa nga Køriste a bøla. A sawa na, amba ya tømam ndøhay maaya fa mey nga Gazlavay, maja ala ma pamara Køriste he nga ndaw ala fara fara. ²⁵ Wure kede na, ala fa tømara mey nga Køriste, kwakwas nga Mawiz fa da jøðndar daa saba.

²⁶ Akwar tabiya bøza hay nga Gazlavay maja akwar fa tømara mey nga Yesu Køriste, anda meløyey, akwar macømkaya ta Yesu Køriste.

²⁷ Akwar ta høtam *baptem la, maja ngene, akwar macømkaya ta Køriste. Wure kede, akwar ta tømam sem anda Køriste he ta ray anja.

²⁸ Wure kede, ndøhay Jøwif hay ta ndøhay Jøwif

3:21 3.21 Rm 7.13; 8.2 **3:22** 3.22 Rm 3.9-30; 11.32 **3:23** 3.23 4.3 **3:24** 3.24-25 Rm 10.4 **3:26** 3.26 4.5, 7; Janj 1.12; Rm 8.14-17 **3:27** 3.27 Rm 6.3; Ef 4.24 **3:27** 3.27-28 Rm 10.12; 1Kwr 12.13; Kwa 3.9-11

hay ba na, ata letek fa mey nga Gazlavay. Kwa beke hay ta ndəhay ma wam ray ata, kwa zel hay ta ngusay, ata letek fa mey nga Gazlavay. Anda meləvey, akwar tabiya, akwar letek fa mey nga Gazlavay maja akwar macəmkaya ta Yesu Kəriste. ²⁹ Yaw, da akwar ndəhay nga Kəriste na, anda keɗe, akwar bəza hay ma yamawa da hwaɗ *Abəraham may. Maja ngene, Gazlavay a da pəskwar mey anda aa ma ləvey a da pəsar mey ngada Abəraham ta ngada bəza hay da hwaɗ anɗa heyey.

4

Gazlavay a pata ndəhay nga bəz anɗa hay na, kwara?

¹ Ehe, ya wuɗey ngaa guzlkwar saya: wulkam da ray bəzey ma da wa zleley nga papaha taw. Daa masa anɗa bəzey ɗagay na, kwa zleley tabiya masa mapakaya ngada anɗa na, a gwa a wa ba aran, anɗa anda beke. ² Daa ngene, ndəhay a nəkfamar dey, asaya, a nəkfamar dey fa cek anɗa hay may. A nəkfamar dey na, haa kasl pas masa papaha ma ləvey bəzey a ta gəley cay. ³ Aləkwa na, anda bəzey a may. Daa masa aləkwa ma sərkwā cek masa Gazlavay ma wuɗey fara fara daa ba aran na, aləkwa beke hay nga cek hay mekele mekele masa ndəhay ma namatar ray da bəla keɗe. ⁴ Ama daa masa Gazlavay ma wusɗərwa ɗar a cay na, ta', a slərdərwa bəzey anɗa a bəla. Bəzey a, a tərey nga ndaw-magəɗan, a yawa da hwaɗ ngwas. Ta

səpa *kwakwas nga Mawiz la. ⁵ Gazlavay a ka anda kefe na, amba bəzey anğa ha a ləhdata ndəhay ma səpmara kwakwas nga Mawiz a, asaya, amba Gazlavay a, a tərdandakwar nga bəz anğa hay.

⁶ Ahaw, akwar na, bəz anğa hay fara fara. Ya sərkwa maja Gazlavay ta slərwa Mesəfney nga Bəzey anğa la a ray aləkwa tabiya. Ara Mesəfney a, ma mbəzey aa aləkwa amba ya zəlkwa Gazlavay «Aba,» anda meləvey, Papay.

⁷ Yaw, maja cek hay tabiya masa Gazlavay ma kakwara kefe na, akwar beke hay saba, ama akwar bəza hay nga Gazlavay. Asaya, maja akwar bəza hay nga Gazlavay na, Gazlavay a da vəkwar cek hay maaya tabiya masa aa ma diytara ngada bəz anğa hay.

Menjey nga Galat hay a həbar ray a Pawl

⁸ Zleezle, daa masa akwar ma sərmara mey fara fara da ray Gazlavay daa ba aran na, akwar beke hay, akwar fa nam ray ngada mesəfney hay ma samawa ta fa Gazlavay ba. ⁹ Ama wure kefe, ka sərmara mey fara fara da ray Gazlavay, ngama ya ləvey, Gazlavay a sərkwar fara fara. Kaa, ka vəham nga səpey mesəfney hay a, kwara dəba wura? Ara cek hay masa-bəle, a gwamara nga jənmakwar ba. Ka wudam nga tərey beke ata hay saya na, maja me? ¹⁰ Akwar fa walam đar hay mekele ma fənta siya hay, asaya, akwar fa walam kiya hay, ta gwagway hay leŋ mevey

4:4 4.4-5 3.13; Jan 1.14 **4:6** 4.6 Rm 8.15-16 **4:7** 4.7 Rm 4.13; 8.17 **4:8** 4.8 1Kwr 8.4-6 **4:9** 4.9 1Kwr 8.3; Kwa 2.15
4:9 4.9-10 Ef 1.21; Kwa 2.8-23

hay ma fənta siya hay nga key kwakwas. ¹¹ Ray adaw fa həbey fa menjey akwar, maja sləra adaw masa yah ma ka da wuzlah akwar a da tərey nga cek nga tede kwa.

¹² Məlma adaw hay, ya fa kakwar ambahw, təram anda yah, beke nga *kwakwas nga Mawiz saba, maja ya ta tərey la anda akwar ndəhay masa *Jəwif hay ba hay. Zleezle na, akwar ta kamaya cek maaya ba daa ba. ¹³ Akwar fa sərfadamara yah ma wuzdakwara *Mey-maaya-mawiya ngeeme na, maja vaw fa caya. ¹⁴ Daa ngeene, macay adaw a, ta sərdakwar banay la.

Ama kwa akwar ta rəsmaya daa ba, akwar ta bəldamaya mey daa ba. Sasəkar jak, akwar ta təbmaya la anda yah na, *maslanj nga Gazlavay da vad, da daa ba, anda yah na, Yesu *Kəriste.

¹⁵ Daa ngeene, akwar ta meesəmey ga, ama wure keđe, kaa səmam saba na, kwara? Ya səra fara fara daa ngeene anja da ka gwamara na, akwar ta wuzlkamatərwa dey akwar hay la ngeada yah.

¹⁶ Kaa wure keđe, ya ta tərey masa-gəra akwar sem maja ya faa guzlkwar mey fara fara daw?

¹⁷ Ndəhay ma wudam amba ka səpam kwakwas nga Mawiz heyey na, fa dadamakwar amba mewulkey akwar a tərey anda nga ata. Ama a kamara anda ngeene na, nga nəskwar, ba na, nga diykwar ba. A wudam ka wudkam ta yah, ka mbəkdamaya, ka təbam mewulkey ata.

¹⁸ Da ndəhay a cəmam dəy ta akwar nga key cek maaya na, ngeene, ara cek maaya mandaw

mandaw, kwa daa masa yah da wuzlah akwar, kwa daa masa yah da wuzlah akwar daa ba. ¹⁹ Akwar masa anda bəz adaw hay, ya fa sərey banay maja akwar saya. Mesərey banay adaw a na, anda hwaɗ ma car ngada ngwas ma da yey. Ya da sərey banay a haa kasl mewulkey akwar ma tərey anda nga Kəriste. ²⁰ Ya wufey nga daw nga njeɗ ta akwar wure keɗe amba ya slakwar yawa. Fara fara, ray adaw fa həbey, maja ya sərə cek masa yah ma da kakwara ba.

Mey da ray bəza hay cew nga Abəraham

²¹ Akwar ndəhay ma wufam nga neɗ ray a *kwakwas nga Mawiz, ya wufey ngaa cəɗɗakwar: akwar ta cəndamara kwakwas nga Mawiz maa guzley na, daa ba daw? ²² Mawuzlalakaya daa ɗerewel nga Gazlavay, a ləvey na, *Abəraham anɗa ta bəza hay cew. Bəzey lanɗar na, ara ngwas beke mezəley Agar ma yarawa. Bəzey lanɗar may, ara ngwas masa beke ba mezəley Sara ma yarawa. ²³ Bəzey ma yawa ta ngwas beke na, a yawa ta fa mewulkey nga ndaw-magədaŋ. Ama bəzey ma yawa ta ngwas masa beke ba na, a yawa maja Gazlavay ma ləvar a Abəraham a da vələr bəzey.

²⁴ Ya gwa ya wata ngusay cew keɗe ta *mejəwey-mey hay cew masa Gazlavay ma jəwa ta ndəhay. Agar ngwas beke na, a wuzwa mejəwey-mey nga Gazlavay ta *Mawiz daa anɗwa nga Sinay zleezle. Bəza hay masa Agar

ma yatərwa a təräm beke anda anğa. ²⁵ Agar a na, mapakaya anda mejəwey-mey nga Gazlavay masa aa ma jəwa daa anğwa nga Sinay daa hwayak nga Arap hay heyey. Aa mapakaya saya anda berney nga *Jeruzelem wure kede, maja ndəhay daa berney a, ata beke nga kwakwas nga Mawiz. ²⁶ Ama Jeruzelem masa da gazlavay da vad na, anğa anda Sara, ngwas masa beke ba. Ara anğa mama aləkwa. ²⁷ Ara anda mawuzlalakaya daa dərəwel nga Gazlavay ma ləvey:

«Sesəmey Jeruzelem, kah anda ngwas-dərlay masa ta yey bəzey daa ba.

Wudey ta meesəmey, kah anda ngwas masa hwad ta car nga mayawa bəzey daa ba,

Maja ngwas-dərlay masa zel e a wudə saba na, a da hətey bəza hay ga ma fəna nga ngwas ta zel e.»

²⁸ Məlma adaw hay, akwar na, bəza hay nga Gazlavay anda *Izak, bəzey nga ngwas masa beke ba masa Gazlavay ma ləvey zleezle a da vəldara a Abərahäm heyey. ²⁹ Daa ngene, bəzey ma yawa ta fa mewulkey nga ndaw-magədan na, fa sərda banay ta bəzey masa ma yawa ta fa gədan nga *Mesəfney nga Gazlavay. Wure kede, ndəhay fa kamara kəne may. ³⁰ Ama mawuzlalakaya daa dərəwel nga Gazlavay, a ləvey na, kwara? A ləvey na: «Bəla ngwas beke la ta bəzey anğa. Bəzey nga ngwas masa beke

4:24 4.24 Mab 19–20; Gal 3.23; 4.1; 5.1; Agar: MC 16.1 **4:26**
 4.26 Heb 12.22; CWJ 21.2 **4:27** 4.27 Iz 54.1 **4:29** 4.29 MC
 21.9

ba na, a da zōma way nga papaha tabiya, ama bōzey nga ngwas beke na, kwa fa da zōmey cek nga papaha daa ba sēlak.» ³¹ Yaw, ngwas beke na, aləkwa bēz anga hay ba, ama aləkwa bēza hay nga ngwas masa beke ba ma yamawa ta gōdan nga Mesəfney nga Gazlavay.

5

Ndəhay nga Yesu a da təram beke nga kwakwas nga Mawiz saya na, kwara?

¹ *Kəriste ta pəskandakurwa sem dasi har nga *kwakwas nga Mawiz amba ya wakwa ray aləkwa fara fara. Da ray ngene, kam gōdan, wam ray akwar, ka da vəlmar cōved a ndaw nga tōrdakwar beke nga kwakwas nga Mawiz saba.

² Jəkfamaya sləmay, yah Pawl, ya faa guzlkwar, da ka slam mandawal amba ka səpam kwakwas nga Mawiz saya na, ngene, cek masa Kəriste ma ka ngada akwar na, ara cek nga tede. ³ Yaw, ya fa kətqwar saya, kwa waawa ma tēba nga sla mandawal na, si a səpa kwakwas nga Mawiz a tabiya, kwa a mbəkey kwakwas a pal ba. ⁴ Da akwar fa səpam nga tōrey maaya fa mey nga Gazlavay ta fa kwakwas nga Mawiz na, ngene, ka ta wudkam sem ta Kəriste. Maaya nga Gazlavay aa da ray akwar daa ba sēlak. ⁵ Ala na, ya səmara Gazlavay a pandar nga ndəhay maaya la fa mey anga maja ala fa pamara Kəriste nga ndaw ala fara fara. Ta fa gōdan nga *Mesəfney nga Gazlavay ala fa

4:30 4.30 MC 21.10 **5:1** 5.1 2.4; 4.5, 9; 5.3 **5:3** 5.3 3.10, 12;
Rm 2.25

səkwmarə amba Gazlavay a pandar ŋga ndəhay maaya fa mey aŋga ha. ⁶ Yaw, ŋgada ndaw macəmkaya ta Yesu Kəriste na, ta sla mandawal la, kwa ta sla daa ba na, fa da mbədey cek fa aŋga daa ba. Cek mahura na, ara mepey Yesu Kəriste ŋga ndaw fara fara ta mewudey ndəhay mekele.

⁷ Zleezle na, akwar fa kam gədan ŋga daw fa mey fa mey daa cəved ŋga Yesu. Kaa wure kede, ma təkakwar ŋga səpa mey masa fara fara na, wa dəba wa? ⁸ Mey hay masa ndəhay maa guzldamara ŋga batakwar na, mey hay a, ara mey hay ŋga Gazlavay ba, maja ara Gazlavay a ma walakwar. ⁹ Mey hay maaya ba ŋgene a da zəvey fa mey fa mey, anda cek ma həsla hapa ŋga makala na, aŋga kuset kədey, ama a həsla hapa ŋga makala madakaya cəpa. ¹⁰ Ta ŋgene he cəpa, ya səra mewulkey akwar na, fa da key wal ta ŋga yah daa ba, maja aləkwa tabiya macəmkaya ta Yesu Kəriste. Ndaw masa ma həbkwar ray na, kwa da ara waawa na, Gazlavay a kar sariya la.

¹¹ Məlma adaw hay, ndəhay fa mbərzlafamaya, a ləvam ya fa wuzey mey, ya ləvey si ndəhay a slam mandawal cəŋga. Kaa da anda kede na, a sərdamaya banay maja me dəba me? Ndəhay fa sərdamaya banay cəŋga kede na, a wuzwa fara fara yaa sərkadata ndəhay amba a ləham na, si ta fa meməcey ŋga Kəriste fa hwadam mazlaŋgalakaya gway.

5:5 5.5 2.16; Rm 8.23-25 **5:6** 5.6 3.28; 5.22; 6.15; Rm 4.11; 1Kwr 7.19; Ef 6.23 **5:8** 5.8 1.6-7 **5:9** 5.9 1Kwr 5.6 **5:10** 5.10 1.7

¹² Ndøhay ma høbmakwar ray da ray *mesley mandawal na, anja nga njam anda gønaw hay maangwadatakaya.

¹³ Mølma adaw hay, Gazlavay a zølkwar na, amba ka tøram ndøhay ma wam ray ata. Ama mewey ray akwar aha na, ta vølkwar cøved nga key cek hay maaya ba ma bawa daa mewulkey nga ndaw-magødan na, daa ba. Sasøkar jak, wudam vaw da wuzlah akwar, asaya, jønäm vaw da wuzlah akwar. ¹⁴ Kwakwas nga Mawiz cøpa na, macømkaya tabiya daa mewey pal ma lövey: «Si ka wudfa meseembew akah anda kah ma wudfa ray akah.» ¹⁵ Ama da akwar fa zam vaw da wuzlah akwar, asaya, akwar fa zømam vaw da wuzlah akwar anda gønaw hay masa-høma na, si ka pam lenjesl, ka mbøkdamara cek hay a ngene, da daa ba na, ka daa zøfam ray akwar.

Mey da ray mewulkey nga ndaw-magødan ta sløra nga Mesøfney nga Gazlavay

¹⁶ Ehe, jøkäm slømay, ya fa lövkwar, vølmar cøved a *Mesøfney nga Gazlavay nga wey da ray akwar. Anda kedfe, akwar fa da kam cek hay maaya ba ma bawa daa mewulkey nga ndaw-magødan na, daa saba. ¹⁷ Cek hay maaya ba masa mevel nga ndaw-magødan ma wudfey nga ka na, ata wal ta cek hay masa Mesøfney nga Gazlavay ma wudfey ya kakwa. Asaya, cek hay masa Mesøfney nga Gazlavay ma wudfey ya kakwa na, ata wal ta cek hay masa mevel nga

5:11 5.11 6.12, 14; 1Kwr 1.23 **5:13** 5.13 1Kwr 6.12; 10.23-24; 1Pi 2.16 **5:14** 5.14 Lev 19.18; Rm 13.9 **5:15** 5.15 Jak 4.1-2
5:16 5.16 5.25; Rm 8.2-13

ndaw-magədan ma wudey nga ka. Cek hay a na, ata wal wal, a cəmam ba. Ara maja ngene, ka gwamara nga key cek mandaw mandaw anda akwar ma wudam ba. ¹⁸ Ama da Mesəfney nga Gazlavay fa wey da ray akwar na, ngene *kwakwas nga Mawiz fa da wey da ray akwar daa saba.

¹⁹ Ya sərkwə fara fara, cek hay masa mevel nga ndaw-magədan ma wudey nga ka na, ara meley-vaw saw, mewulkey mandaw mandaw da ray cek hay ma nəsa ndaw, leŋ mekey cek hay ma ka hwaray. ²⁰ Asaya, cek hay masa mevel nga ndaw-magədan ma wudey nga ka na, ara meney ray a kuley hay, mekey maazla hay maaya ba, merəsey vaw, mewudkey day, mekey səleŋ, mecey-mevel kalah, mesəpey nga fəney ndaw mekele, meweley vaw ta weley, leŋ mewudkey day ta ndəhay mekele. ²¹ Yaw, cek hay masa mevel nga ndaw-magədan ma wudey nga ka na, mekele daha saya, ara mekey maagway fa cek nga ndaw, mewey ta wuzam, mekusey daa slam a nga key cek hay malamba leŋ mekey cek hay mekele mekele masa malamba anda keđe hay. Ya ta kətkwə la, ama wure keđe, ya kətkwə saya, ndəhay ma kam cek anda keđe hay na, fa da njam da wuzlah ndəhay masa Gazlavay fa wey da ray ata na, daa ba.

²² Ama da Mesəfney nga Gazlavay fa wey da ray ndaw na, ndaw a, a key sləra maaya, anğa anda wudez ta slaslalay maaya ma yey babəza.

5:17 5.17 Rm 7.13-23 **5:18** 5.18 Rm 6.14; 7.4 **5:19** 5.19-21
Rm 1.28-32; 1Kwr 6.9-10; Ef 5.3-5; Kwa 3.5-8; 1Tm 1.9-10; 2Tm 3.2-5; 1Pi 4.3; CWJ 22.15

Cek hay maaya ma sawa ta fa Mesəfney nga Gazlavay na, ara mewudey-vaw, meesəmey, zazay, mebəsey banay, mesərey dey-ceceh fa ndaw, mekey maaya, mekey cek ta cəved e mandaw mandaw, ²³ metərey nga ndaw meekwed-mey, lej mewey vaw fa mekey cek hay saw. Yaw, kwakwas nga Mawiz na, a təkta ndəhay nga key cek hay anda kefe ba.

²⁴ Ndəhay nga Yesu *Kəriste na, ta mbəkdamara cek hay maaya ba masa ata ma wudam nga kamara sem. A mbəkdamara na, ara anda a dərmeta cek hay maaya ba ha fa hwadam mazlanğalakaya. ²⁵ Ara Mesəfney nga Gazlavay ma vəndakwar menjey mawiya. Da ray ηgene, vəkwar cəved a Mesəfney nga Gazlavay a nga wey da ray aləkwa. ²⁶ Ya da gəlkwa ray ba, ya da padatakwa ndəhay mekele nga cek hay saw ba, asaya, ya da kakwa səlen da wuzlah aləkwa ba may.

6

Mey da ray ndəhay nga Yesu ma da jənam vaw

¹ Məlma adaw hay, da ka hətam ndaw da wuzlah akwar fa key mebərey na, ara akwar ndəhay masa ta *Mesəfney nga Gazlavay da ray kefe ma da jənmara ndaw aha, ma da vəhdamərwa aa cəved maaya. Ama ka da jənmara ha na, ta mevel maaya ta mey maakwad a. Kwa waawa da wuzlah akwar nga wey vaw

5:22 5.22 Ef 5.9 5:23 5.23 1Tm 1.9; 2Pi 1.6 5:24 5.24 2.19; 6.14; Rm 6.6; Kwa 3.5; 1Jn 3.6 5:25 5.25 5.16; 1Kwr 6.19; Ef 4.30 5:26 5.26 Rm 12.10; Fəl 2.3

maja a da tōfey aa mebörey nga ndaw aha. ² Da banay da wuzlah akwar daha na, jōnam vaw. Da masa akwar fa kamara kōne na, a key ṅgene, ka namar ray a mewey nga *Kōriste.

³ Da ndaw a wulkey anḡa mahura, anja anḡa mahura ba na, a key ṅgene, a bōmey ray anḡa.

⁴ Kwa waawa ṅa nōka menjey anḡa. Da a nōka aa maaya na, ṅaa sōmey da ray menjey anḡa ha gway, ba na, a da wulkey da ray menjey ṅa ndaw mekele ba. ⁵ Yaw, kwa waawa ṅa nōkey dey fa slōra anḡa masa Gazlavay ma vōldara.

⁶ Asaya, kwa waawa maa sōrkey mey ṅa Gazlavay na, maaya a wunkamara cek anḡa hay ta ndaw maa sōrkada ha.

Mey-menḡey da ray menjey ṅa ndaw ta makawa cek hay da ley

⁷ Ka da bōmam ray akwar ba, Gazlavay a wufey ndaw ṅa kada wasa ba. Cek wura wura masa ndaw ma slōka a ley na, a da kawa da ley a na, cek aha. ⁸ Anda melōvey, da ndaw a key cek ma mbafar a vaw anḡa daada gway na, ṅgene, a daa zōfda ray anḡa. Ama da a key cek ma mbafar a *Mesōfney ṅa Gazlavay na, ṅgene, a da hōtey heter mendōvey ba ma sawa ta fa Mesōfney ṅa Gazlavay a. ⁹ Da anda kefde na, si ya kakwa cek hay maaya ṅada ndōhay, ya da gōrkwa ba. Fara fara, da masa ya ta gōrkwa daa ba, pas a ma wuswa cay na, ya hōtkwa mawurbay ṅa slōra alōkwa la. ¹⁰ Anda

6:1 6.1 Mt 18.15; Jak 5.19; 1Kwr 10.12 **6:2** 6.2 1Kwr 9.21; 2Kwr 11.29 **6:3** 6.3 1Kwr 4.7 **6:5** 6.5 Rm 2.6; 14.12 **6:6** 6.6 1Kwr 9.11, 14 **6:8** 6.8 Jan 3.6; 6.63; Rm 8.6, 13 **6:9** 6.9 2Tes 3.13

kede, daa masa aləkwa ma hətakwa har la kaa na, kakwa maaya a ndəhay tabiya. Kakwa maaya ma fəna saya na, ηgada ndəhay ma təba mey ηga Yesu *Kəriste.

Mey ηga madagway-dakw

¹¹ Nəkmara, mey ηga madagway-dakw kede na, mawuzlalakaya mahura mahura, *ara yah ma wuzlalakwara ta har adaw*. ¹² Ndəhay daha fa təkmaqwar day ηga səpey *kwakwas ηga Mawiz ta fa *mesley mandawal. A təkmaqwar day a na, maja mewulkey ηga ndaw-magədan gway. A kamara anda kede na, a wudam ndəhay aa həmdamata. Asaya, a wudam ηga wuzey mey da ray meməcey ηga *Kəriste fa hwadam mazlanjalakaya ba, maja ndəhay *Jəwif hay a da sərdamata banay. ¹³ Kwa ndəhay ma sla mandawal hay a ta ray ata na, fa namar ray a kwakwas ηga Mawiz tabiya daa ba. A wudam si ka slam mandawal na, amba a zlapam da ray akwar maja akwar ma təbmara mey ata.

¹⁴ Yah na, ya faa səmey si da ray meməcey ηga Bay aləkwa Mahura Yesu Kəriste fa hwadam mazlanjalakaya gway, kwa ya faa səmey da ray cek mekele na, daa ba. Maja meməcey ηga Yesu Kəriste fa hwadam a na, ya nəkta cek hay da bəla kede anda cek hay ηga tede fa mey adaw. Yah may, anda ndaw ma məcey fa hwadam mazlanjalakaya masa ta mbəkdata cek hay da

6:10 6.10 Jan 13.34; Rm 12.10; 13.8; 14.15; 1Kwr 8.1; fasəlawal 13; 2Kwr 8.7-8; Gal 5.6, 13-14; Ef 5.2; Fəl 2.2; 1Tes 3.12; 4.9; 1Tm 1.5; Heb 13.1; 2Pi 1.7 **6:11** 6.11 1Kwr 16.21 **6:12** 6.12 5.2, 11

bøla sem. ¹⁵ Kwa ndaw ta sla mandawal la, kwa ta sla daa ba na, fa da mbødefey cek daa ba. Cek mahura na, ara Gazlavay ma tøndandakwar nga ndøhay mawiya.

¹⁶ Anja Gazlavay nga vøltar zazay, nga sørfatar dey-ceceh a ndøhay ma søpmara mey a kefe, lej a ndøhay daa søkway nga *Israyel masa ma tømbara mey nga Gazlavay fara fara.

¹⁷ Døga wure kefe, anja ndaw nga høbya ray saba maja vevek * nga mbølek fa vaw aðaw fa wuzdørwa yah ndaw nga Yesu.

¹⁸ Mølma aðaw hay, anja maaya nga Bay aløkwa Mahura Yesu Køriste nga njeý ta akwar tabiya. *Amen.

6:14 6.14 1Kwr 1.23, 29, 31; 2.2; Gal 2.19 **6:15** 6.15 5.6; Rm 6.3-4; 2Kwr 5.17; Ef 4.24 **6:16** 6.16 Ps 125.4-5 * **6:17** 6.17 vevek: vavay, vevølek **6:17** 6.17 2Kwr 4.10 **6:18** 6.18 Føl 4.23; 2Tes 3.18; 2Tm 4.22; Flm 25; CWJ 22.21

Mejəwey-mey Mawiya
Mofu-Gudur: Mejəwey-mey Mawiya New Testament
Le Nouveau Testament en langue Mofu-Gudur
(Cameroun)

copyright © 2007 Wycliffe Bible Translators, Inc.

Language: (Mofu-Gudur)

Contributor: Aramaic Bible Translation, Inc.

All rights reserved.

2020-11-19

PDF generated using Haiola and XeLaTeX on 21 Feb 2024 from source
files dated 29 Jan 2022

2b021919-36cf-59da-a35f-10c5e5548811